



## OBAVIJEST

### za bosanskohercegovačku djecu u Finskoj koja pohađaju osnovnu školu od 1. do 9. razreda

BKC - Bosanski kulturni centar u Finskoj u saradnji sa nastavnicima bosanskog jezika organizuje za svu bh. djecu proljetnu školu u prirodi kroz radionice bosanskog jezika i kulture pod nazivom „Ljetna gimnazija na mrazu“ 😊.

#### Draga djeco i roditelji,

odlučili smo da iskoristimo neradne dane kad je Uskrs / pääsiäinen i organizujemo upoznavanje i druženje bh. djece iz Finske, kao i učenje bosanskog jezika i kulture kroz igru i radionice. Ovo je nekad davno organizovalo finsko udruženje Kesälukioseura pod nazivom kesälukio, pa otud naziv ljetna gimnazija, samo što će sad biti vjerovatno na mrazu 😊. Kesälukioseura nije u mogućnosti da opet organizuje ljetnu gimnaziju, pa smo odlučili da sami organizujemo. Oni koji su nekad učestvovali na ovakvim kampovima i danas se rado sjećaju tih dana.

Ljetna gimnazija u trajanju od tri dana: petak 7.4.2023 - nedjelja 9.4.2023 u omladinskom kampu Ahtela, Ahtelantie 30, 21570 Sauvo kod Turkua.

#### Tehničke informacije:

- Ahtela je omladinski kamp opštine Turku i nalazi se u prirodi okružen šumom i morem, ima restoran, sportske terene i vikendice za boravak i prenoćište.
- Vikendice će biti podijeljene ne muške i ženske, a sobe imaju od dva do deset kreveta.
- Nastavnici i njihovi pomoćnici će biti cijelo vrijeme sa djecom, a prisutan je i radnik opštine Turku.

1(3)



- Pravila ponašanja su ista kao i u školi koju pohađate.
- Koristimo bosanski jezik, a po potrebi kao pomoćne jezike finski, švedski i engleski.
- U kuhinji restorana volonteri će pripremati nama odgovarajuću hranu, četiri obroka dnevno, a možda i djeca nešto pomognu.
- BKC će uzeti dodatno osiguranje, a u Ahteli se ovakvi skupovi održavaju skoro svakodnevno, tako da je Ahtela opremljena svim potrebnim za pružanje prve pomoći po potrebi, a mjesto je poznato finskim vlastima.
- U vikendicama je toplo, na svakom krevetu imaju pokrivači i jastuci samo morate ponijeti svoju posteljinu. Nemojte zaboraviti stvari za ličnu higijenu i topliju odjeću za boravak u prirodi.
- Predali smo projekat i zahtjev opštini Turku, odgovor ćemo dobiti krajem februara. Ako zahtjev bude odobren, većinu troškova boravka i hrane snosićemo iz ovog projekta, a svi koji dolaze sami snose svoje putne troškove i plaćaju ukupno za tri dana 15-30 € po osobi zavisno koliko nas bude prijavljenih. Kasnije ćemo obavjestiti detaljnije.
- Svi koji dolaze moraju biti prijavljeni unaprijed i organizator je dužan da vodi evidenciju o dolascima i odlascima.

### Kako se prijaviti?

Nezvanične prijave šalje roditelj djece nastavniku ili nastavnici bosanskog jezika u roku od 7 dana, kad od nastavnika dobijete ovu obavijest putem Wilma ili drugog programa koji koristi vaša škola. Napišite da li ste zainteresovani i koliko djece bi učestvovalo. Kasnije će biti poslata zvanična prijavnica. Odmaralište Ahtela ima kapacitet za 100 osoba, pa prvih 100 koji se prijave mogu doći!

Budite u kontaktu sa svojim nastavnicima u vezi organizacije zajedničkog prevoza.

Za sva pitanja stojimo vam na raspolaganju.

Dobrodošli da upoznate nove drugare a i nešto naučite!

2(3)



Bosanski Kulturni Centar u Finskoj – Turku

Menadžer projekta

Neđad Jakupović

jnedad@gmail.com

tel. +358 41 5024188)

Nastavnici:

Aida Bakalbašić - Turku

aida.bakalbasic@edu.turku.fi

Medina Canic - Närpes

canic.medina@hotmail.com

Marija Sumarac – Helsinki

marija.sumarac@edu.hel.fi

Hulda Teponnen - Espoo

hulda.mt@gmail.com

Adnan Brkic - Tampere

adnanbrkic2511@gmail.com

3(3)